

For more information, please call/text us at: **0920-911-1398** or visit:  
[www.philrice.gov.ph](http://www.philrice.gov.ph) | [www.pinoyrkb.com](http://www.pinoyrkb.com) | [www.openacademy.ph](http://www.openacademy.ph)

## Kasano ti mangisagana iti talon [Pannakaisagana ti daga]

### Isagana a nasayaat ti talon

Nasayaat ti panagdakkel dagiti mula ken umadu ti maapit no umiso ti tiempo ken kalidad a pannakaisagana ti daga a pagmulaan. Mabalina a maisagana ti daga a nadam-eg wenno namaga depende iti suplay ti danum, mausar a pagarado, ken klase ti daga.

**Nadam-eg a panagarado:** Araduen ti daga a nadam-eg wenno napalayasan babaen iti traktora.

**Namaga a panagarado:** Araduen ti namaga a daga babaen iti animal wenno traktora a namontaran ti *rotavator* wenno nakumpol nga arado (multiple disc plow) ken suyod (disc harrow).



Dagiti sumaganad ket addang a napagtapon iti panangisagana ti daga a namaga wenno nadam-eg.


### 1. Umuna a panangisagana ti daga babaen iti namaga a panagarado

Araduen a sigud ti talon kalpasan ti panagapit wenno kalpasan a namagaan ti talon tapno maanginan ti daga, mapaksiat dagiti ruot ken peste, ken maigamer dagiti organiko a bambanag iti daga.

### 2. Maikadua a panagarado

Dua nga aldaw sakbay ti maikadua a panagarado, padanuman ti talon tapno lumukneng ti daga ken agtubo dagiti bukel dagiti ruot ken dagiti naregreg a binukel ti pagay.

Uliteng nga araduen ti talon 21 nga aldaw sakbay ti panagraep/panagsabog iti bin-i tapno marumek dagiti dadakkel a bingkol, mabaliktad ti daga ken maigamer dagiti organiko a bambanag. Kiwaren manen ti talon iti mamindua a daras babaen iti traktora wenno arado tapno mabaliktad ti daga.



Suyuden ti talon iti mamitlo a daras babaen ti suyod tapno maburak dagiti bingkol ken maigamer a nasayaat dagiti organiko a material iti daga.

- Umuna a panagsuyod: 14 nga aldaw kasanguanan ti panagraep wenno panagsabog

- Maikadua a panagsuyod: 7 nga aldaw kasanguanan ti panagraep wenno panagsabog
- Maikatlo a panagsuyod: 1-2 nga aldaw kasanguanan ti panagraep wenno panagsabog

Padanuman ti talon kalpasan ti maikatlo a panagsuyod tapno maragpat ti agpapada a kaadalem ti danum. Palakaenna ti panangmanehar ti danum ken bisukol, panangpaksiat iti ruot, ken pasayaatenna ti pannakausar ti abuno/ganagan.

No kasapulan, agaramid ti babassit a kanal tapno mapasayaat ti pannakaatian ken panagpadanum kalpasan ti panaglimpia.

Ti nalimpia a talon ket solbarena ti agarup ti 50% a parikut ti panagtalon.

**Reviewed by:**

**Dr. Caesar Joventino M. Tado**

**Language Editors:**

**Bethzaida M. Catudan**

**Leah May dC. Tapeç**

**Maribel B. Alupay**

**Reynold M. Caoili**

